

## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

III. Contritionem sine speciali Dei auxilio haberi non posse.

[urn:nbn:de:hbz:466:1-54092](https://nbn-resolving.de/urn:nbn:de:hbz:466:1-54092)

## CAPVT III.

*Contritionem sine speciali Dei auxilio haberi  
non posse.*

**A**LTERA quæstio erat, Vtrum Contritio, quam liberam actionem esse iam demonstrauimus, ita procedat ex libero arbitrio, ut sine speciali Dei auxilio cor humanum præueniente & adiuuante, possit haberi. Quæ sanè controuersia hoc tempore nulla esset, si Aduersarij nostri finem aliquem facerent calumniandi. Fuit quidem olim cum Pelagianis grauissima concertatio, cùm illi (Augustino teste in libro de hæresibus, cap. 88. & in epist. 106.) dicerent, gratiam qua liberamur ab impietate, secundum merita nostra dari: Catholici contrà, Conuersiōnem ac Pœnitentiam diuina gratia præueniri, atque inspirari contenderent. Sed hoc tempore satis cum Lutheranis conuenimus, Pœnitentiam, ac per hoc Contritionem, donum esse Dei, nec posse sine diuina inspiratione, solis naturæ viribus obtineri.

Quia tamen Martinus Kemnitius, in 2. parte Examinis, cap. 4. de Pœnitentia, pag. 963. scribere ausus est, Concilium Tridentinū stabilire voluisse dogma illud, quod tribuit humanis viribus sine speciali auxilio Dei eam Pœnitētiā, quæ sit sufficiens dispositio ad remissionē peccatorum: idcirco necessarium esse duximus, PRIMVM adferre testimonia eiusdem Concilij, & recentium Theologorum. DEINDE sententiā Concilij, & Theologorum, atque adeò totius Ecclesiæ, testimoniis Scripturæ & veterum confirmare.

Igitur TRIDENTINVM Concilium sess. 6. cap. 5. hæc habet verba: *Declarat præterea (sancta Synodus) ipsius iustificationis exordium in adultis à Dei per CHRISTVM IESVM præueniente gratia sumendum esse.* Deinde cap. 6. *Disponuntur, inquit, ad ipsam iustitiam dum excitati diuina gratia, atq[ue] adiuti, fidem ex auditu concipientes, liberè mouentur in Deum, &c.* Tum cap. 14. *Qui vero, inquit, ab accepta iustificationis gratia per peccatum exciderunt, rursus iustificari poterunt, cum excitante Deo per Pœnitentia Sacramentum merito Christi amissam gratiam recuperare procurauerint.*

Kkkkk 2

Et

Et infra can. 3. Si quis dixerit, sine præueniente Spiritus sancti inspiratione, atq[ue] eius adiutorio, hominem credere, sperare, diligere, aut pœnitere posse, sicut oponet, Et ei iustificationem gratis conferatur, anathema sit. Denique sess. 14. cap. 4. non modò non habetur, quod Kemnitius fingit, Contritionem ex solis viribus liberi arbitrij concipi posse; sed etiam disertis verbis ipsa etiam Contritio imperfecta, quam Attritionem dicimus, Concilium esse docet donum Dei, & Spiritus sancti impulsu[m].

Nec solum Concilium OEcumenicum, in cuius definitiōnibus omnes Catholici acquiescunt, sed etiam celeberrima Academia in articulis publicè editis eam fidem apertissime profitentur. Exstant articuli PARISIENSIS aduersus Lutheranos editi anno M. D. XLII. eorum articulorum secundus ita habet: *Eadem fidei constantia est tenendum, hominem inesse liberum arbitrium, quo potest bene, vel male agere, & per quod, si etiam in peccato mortali fuerit, Deo adiuuante, ad gratiam resurgere valer.* Exstant etiam articuli LOVANIENSIS paulò posterius aduersus eosdem Ecclesiæ hostes promulgati, quorum septimus ita habet: *Certa fide tenendum est, hominem habere liberum arbitrium, quo potest male, & cum gratia Dei, bene agere; & post mortale peccatum admisum, Deo adiuuante, pœnitere, & peccatorum remissionem consequi.*

In eandem sententiam scripserunt Theologi Scholastici antiquiores; nam de his qui hoc seculo vixerunt, aut viuunt, nulla dubitatio esse potest. Nec solum sanctus Thomas in 1. quæst. 109. art. 6. & 7. & S. Bonaventura in 2. librum Sentent. dist. 28. artic. 2. quæst. 1. & dist. 30. quæst. 1. & Gregorius Ariminiensis in 2. Sentent. dist. 26. quæst. 1. & Marsilius in eundem librum quæst. 17. & alij plurimi, eidem sententiæ apertissime subscripserunt: sed etiam Scotus, quem accusat Kemnitius nominatim, nō vno in loco auxiliij diuini in Pœnitentia concipienda necessitatem agnoscit. Nam in 1. Sentent. distin. 44. quæst. vñica, scribit, ideo posse quemlibet peccatorem salvari, quia potest eum Deus sua gratia præuenire: & in 4. dist. 14. quæst. 3. negat ab homine solis naturæ viribus posse cognosci, peccatum esse detestandum, ut offensiu[m] Dei, atque uerbi suu[m] (ut ipse loquitur) ab eo: & in eundem librū, dist. 22. art.

art. 2. extremo, Pœnitentiam à Deo inspirari fatetur. Quem-admodum autē intelligenda sint loca quædam eiusdem Sco-ti, quæ cum his pugnare evidenter, explicat Vega in opusculo de iustificatione, quæst. II.

I AM verò sententiæ huius Catholicæ veritatem aduersus hæreticos Pelagianos ex diuinis literis nullo negotio com-probabimus. PRIMVM Psalmi Dauidis pleni sunt illis vocibus: *Conuerte nos Deus salutaris noster.* Psal. 84. *Deus virtu-tum conuerte nos.* Psal. 79. *Errans sicut ovis qua periret, quare seruum tuum.* Psalm. 118. Deinde Hieremias cap. 31. *Conuerte, inquit, me Domine, et conuertar.* Et paulò infra: *Postquam conuertisti me, ergo Pœnitentiam, in quem locum S. HIERO-NYMVS scribens; Vide, inquit, quantum sit auxilium Dei, et quam fragilis humana conditio, Et hoc ipsum, quod Pœnitentiam agimus, nisi nos Dominus antè conuerterit, et nisi Dei uitam auxilio, nequaquam implere valeamus.*

TVM Ezechielis cap. 36. disertis verbis Dominus dicit: *Au-feram cor lapideum de carne vestra, et dabo vobis carneum.* quod certè nihil aliud, quam donum Contritionis veræque Pœnitentiæ significare potest.

AD HÆC Lucæ 22. Conuersus Dominus respexit Petrum, & talem in eo contritionem excitauit, ut continuò amarissime fleuerit: in quem locum scribens A M B R O S I V S lib. 10. in Lucam: *Quos, inquit, IESVS respicit, plorant delictum. Negauit Petrus, et non fleuit, quia non respxerat Dominus: negauit secundo et non fleuit, quia adhuc non respxerat Domi-nus: negauit tertio, et respexit IESVS, et ille amarissime fleuit.*

DENIQUE, vt alia prætermittā, quid apertius illo B. Pauli testimonio, qui in epistola posteriore ad Timotheum cap. 2. monet, cum modestia corripiendos esse eos, qui resistunt ve-ritati: *ne quando det illis Deus Pœnitentiam, ad cognoscen-dam Veritatem, et resipiscant a Diaboli laqueis, a quo capti-vi tenentur?* quem locum adducens A V G U S T I N V S lib. 5. in Julianum, cap. 3. *Quantumlibet, inquit, prebeat patientiam, nisi ipse dederit, quis agit Pœnitentiam?* Et libro de fide ad Petrum, cap. 31. ex eodem Pauli testimonio dogma Ecclesiasticum his verbis proponit, siue Augustinus, siue Fulgentius eius libri auctor fuerit: *Firmissime tene, et nullatenus du-bitata,*

K k k k k 3 b ita,

*bita, neminem hic posse Pœnitentiam agere, nisi quem Deus illuminauerit, & gratuita sua miseratione conuerteret.*

His accedunt veteris Ecclesiæ apertissimæ definitiones. Nam IN PRIMIS in Synodo Palæstina, in qua ipse etiam Pelagius errores suos anathematizare compulsus est, illud inter cetera declaratum fuisse scribit Augustinus in epist. 106. Pœnitentiam donum esse Dei. DEINDE in Concilio Araucano II. can. 4. iterum explicatum est, per sancti Spiritus infusionem & operationem in nobis fieri, non tantum ut à peccato purgemur, sed etiam ut purgari velimus.

IDEM quoque docuerunt doctissimi Apostolicæ sedis Presules, Innocentius, Cœlestinus, & Leo. INNOCENTIVS in epistola ad Cœcilium Carthaginense, ut ad rectam redeamus viam diuino adiutorio nos egere confirmat. COELESTINV in epist. ad Episcopos Galliarum, can. 11. id ipsum probate orationibus Ecclesiæ, quibus à Deo petimus, ut infidelibus detur fides, & ut lapsis Pœnitentiæ remedium conferatur; ex gratiarum actione, quam Deo pro illuminatione infiduum, & lapsorum correctione deferimus. LEO in epist. 91. Theodorum Episcopum: *Ipsam, inquit, Pœnitentiam ex Deo credimus inspiratione conceptam, dicente Apostolo: Nefaret illis Deus Pœnitentiam.* Sed de his satis.

## CAPVT IV.

*In contritione includi odium, ac detestationem peccati præteriti.*

**S**ERTIA controværsia erat, vtrum contritio includat odium ac detestationem peccati præteriti. Lutherus enim initio defectionis suæ à Catholica Ecclesia, inter alia multa hæretica paradoxæ, hoc etiam excogitauit ac docuit, non esse veram Contritionem sive Pœnitentiam, odium vitæ præteritæ, sed amorem iustitiae, & nouam vitam.

In sermone de Pœnitentia, loquens de Contritione, qua paratur per discussionem, collectionem, & detestationem peccatorum, qua quis recogitat annos suos in amaritudine animæ suæ, sic ait: *Hæc tristia facit hypocritam, immo magis pectora.*